

صاحبی ، مدیری ، محرری :



اسلامك نفعنه خادم مقالات
مع الت شكر قبول ونشر اولونور
يازانك شخصيتي دكل ، يازينك اهميتي
نظر دفته آيتير .

كلن يازيلردن شايان قبول كورولنار :
تاريخ سراسيله درج ايديلير .

مخمس

۱۳۳۸

علمی ، ادبی ، اجتماعی و شمعيلك شهرى
مجموعه

۱۳۳۹ ذى الحجه سنه مخصوص نسخه

عدد : ۱۴

اداره خانه سي : شهرزاده باشنده

تعالى اسلام
جمعيتي مركز عموميسي

مركز توزيرى :
باب عالي جاده سنده (اتحاد
تجارت) كتبخانه سي

آبونه بدلى :
سنه لى ۱۲۰ غروش
آلتى آلتى ۶۰
اوج آلتى ۳۰

في ۱۰ فروش

مهرهات :

تمنى وتضرع - طاهر المولوى .

مخمس علمى و انتقادى : كويا حضرت پيغمبر وبعض اصحابك رسملى - طاهر المولوى . مجتهدل مجتهدى
مقاله سي - طاهر المولوى .

مخمس ادبى : ايران ادبى - فريد . سليم اوله - فوقادى زاده شكيب . ابكى قطعه - حافظ اسماعيل .
قطعات - سعود المولوى . رشاد فواد بك تاريخ ارتحالى - احسان محوى . نشيده درويشانه - طاهر المولوى . قصه ،
حصه . حسن عشق - شيخ غالب .

مخمس تاريخى : امين خاكي - احسان محوى . بولشه ويكلك وابوذر غفارى - طاهر المولوى .
مرحوم صالح ذكى بك - محمد عزت .

کچھ جی زادہ رشاد فواد بک مرحومک تاریخ ارتحالی

کیمسہ یہ باقی دکل دنیا اوی
« کل من .. » نظمی بو حکمی محتوی
تندباد خانہ برانداز موت
خاکہ سرمشدر نیچہ کیخسروی
ایله من تفریق شخصیت اولوم
اونجه بردر بنده ومیر قوی
ایلدی میررشادی عاقبت
« ارجی » امری بقانک رهروی
منقبت آرا ، ادیب نکته دان
اهل دل ، کوهر شناس معنوی
مظهر الطاف مولانا ایدی
واقف علم رموز مثنوی
جبهه سندن برق اورردی دائماً
نور عرفان محمد برتوی
آجیدی ابوابن آکا کلزار خلد
ایلدی رحلت او مراد اخروی
روحی شاداب فیض ابتسین مدام
حضرت حنک عنایات نوی
چار عنصرله یازیلین تاریخی
دهردن کیتدی رشادالمولوی
۱۳۳۹

اصنامه محوی

قصه ، حصه

مشهور بر فقره واردر :

خستله مشهر حکمدارلردن بری ؛ بر کیجه
خیال اویونی ایسته مش . بولونان بر قاره کوزجی ؛
احسانه متعلق لاقیردی ایتمه مه سی تذبیه حضوره
جیقار یلش . اویون ؛ شوق و شطارتله اوینامش ،
خنامنده خیالی به محظوظیت سفیه تبلیغ اولومش ،

فقط زوالینک کوردیکی مکافات بوندن عبارت
قالش . بقالک ، قصابک قورو محظوظیتدن
خوشلانمایه جفنی بیلن قاره کوزجی ؛ مابینجیلره
— امان خاطر مه بر حکایه کلدی . اراده بویولورسه
حضور همايونده عرض ایده می . دیمش ولدی الاستیدان
مساعده بویورملش . قاره کوزجی ؛ راسمه تعظیمک
ایفاسندن صوکرآ :

— حضور همايونه کیره رکن قولگزه صاقین
پاره ایسته مه دیبه تنیه ایتدیلردی ، عجااقدیمزده
پازه ویرمه یلک دیبه تنیه ایدن اولدیمی ؟ سواله
جرات کوسترمش .

محفل مجموعه سنک بونسیخه ایله ۱۴ نجیسی
چیقدیغی و انتشارندن اعتباراً برسنه ، ایکی آی
کچدیکی حالده آلآن برنجی سنه نك آتونه بدلنی
کونده رهمین بعض ذوات وار . محفل اداره سی ؛
بوذوات کراهه :

— اقدیلر ! نامکزه مجموعه کونده ریلک
ایچین بزه بالذات ، یاخود بالواسطه تنیه ایدیلدی
ایدی ، عجاسزده آلدیفکزر نسخهلرک بدلنی
یوللامایک دیبه تنیه اولوندیمی ؟ دیبه بر سوال
ایرادینه اجتسار ایتسه جرات واقعیه سی کستاخلق
تلقی ایدیلایه بیلیرمی ؟

محفل تاریخی

امین خاکی مابعد

اوکون ، خاکی نك وفاقی پک چوق شاعرلر
تورنخ ایلدی . از جمله شاهر عالی خصصات اسکدارلی
طلعت بک افندی :

قبرنی نور محمد مصطفی اولسون امین
رحمت انوار تابانیه کلشن ایلدی ؛
رفع ید ایتدم صباه سوبلدم تاریخی
روح خاکی عالم افلاکی مسکن ایلدی .

قطعه تاریخی سنی انشاد ایلدیک کی فقیده :

برنقظه کلوب اریندی بیتدی ،

برمشعل حقدی سوندی ، کیندی ...

بیتدی ، افول ایدیسنه حالا یاندیغم بو زوالی
قرده شمه عائد، خیال و خاطر مه کله یین بروقه هجران
تاریخی دوشوردم ...

خاکی نك سنك هزارینی تزیین ایده جك اولان
زیرده کی تاریخ رعناده استاد هر فام طاهر المولوی
بك اقدینك زاده طبع باندلریدر (۰)

§

خاکی ، ضیا پاشا مرحومك :

واردر ایکی شرط شاعریت ؛ اولکیسی قابلی خلقت !
ثانی شروط شاعریت ؛ تحصیل معارف و فضیلت !

بیتلریله سلوک شعرا یچین کوستر دیکی شروطدن
برنجیسنه مظهردی . بك ابتدائی بر تحصیل کوردیکی
حاله مفطور اولدینی ذکای خارق العاده ، اونی
طبعاً بر شاعر اوله رق یتشدیردی . مشروطیتدن
صوکر انشر اولونان ادبی مجموعه لره ، صوکر دملرینه
قدر شعر یازدی « انقلاب ادبی » اسمنده بر مجموعه ده
کندی نشر ایتمش ، بالاخره « مکتبلی » غزته سنك
امور تحریریه سنی درعهده ایله مشدی . نظمی ،
نثر دن زیاده سودیکی ایچین وادی شعرك هر هانکی
برقسمنده اولورسه اولسون افکارینه ایستدیک
وسعت جولانی ویره بیلردی .

خاکی ؛ نظمده باشلی باشه بریول تعقیب ایتمه مش
فقط ذوقنی ، روحنی اوقشایان هر شعبه نظمده
موفقیت کوستر مه چالیشمشدر . بناء علیه : صفحات
شاعر داهیسندن ملهم اوله رق وجوده کتیردیک
اثر نرده بو موفقیت دها بارز برشکله تجلی ایدر .
غزلیاتی عمومیتله رنگین و یک آهنگدر .

(۰) تاریخ عاجزی ؛ محفلك او تنجی نسخه سنده مندرج اولدیغندن
بوراده تکرارینه لزوم کورمه دم . طاهر المولوی

منظومه لری ؛ رنگین استعاره لری ، پارلاق
تشبیه لری ، رقیق خیال لری جامع برر انموذج
بدایع دینلمک شایاندر . وقیله وزن ملی
ایله سولدیکی وطنی و حسی نشیده لر ، امثالیه
قیاس ایدلیه جك درجه بالاتر اولوب جوشغون
بر حسیات شاعرانه نك زاده الهامی اولدیغنده
تردد ایدلر .

خاکی نك عمومیتله آئانده کیزلنن ایکی ساقه
الهام واردر . بری بخت ناهمواری ، دیکری
مولویلک نك انجذابی ...

بوسبیله شعرلرینك بر قسمنی طالعندن شکایت
معرضنده ، بر قسم مهمنی ده مولویلکک تأثیر
فسونکاری تحتنده سوبیله مشدر .

« ایقاظ » و « تعصبك نتیجه سی » ناملرنده
بری منظوم ، دیکری منشور ایکی مطبوع اثری
واردر . تقریباً ایکی یوز صحیفه لك بر دیوانچه
اوله بیله جك اشعاری حاوی مجموعه می محفوظ
فقیرانه م اولدیغندن زمان مناسبده بین الاخوان
طبعنه چالیشیله جقدر .

خاکی ؛ بزم آراء کزیده برکنجیدی ، کندیسندن
یا لکیز ادبیات خصوصنده دکل ، هر جهندن خدمت
بکلیله بیلردی . صد هزار حیف که : کندیسنك ؛
کوسدم محیط زارمه ، دورانه دارغیم .

دیدیکی کی محیطنده لایق اولدینی مرتبه نی بولامادی .
ذاتاً بو مملکتده عارفیسك ، شاعر میسك ، ادیبیسك
وای حالکه ... اولونجه یه قدر کوره جکک دائماً
ذلت ، دائماً حقارت ، دائماً سسفالندو . بو اوچ
ممتاز صفتك مفهومی بدبختلقدردر . بونك ایچین
جناب حق ؛ خاکی یه مکافات معنویه سنی ، باقیمه
اولانلرده ایوبی بر صبر احسان ایلسین .

امساله محوی